

فيديو ٠٠٩ من مقاطع حظر التجول تدبر سورة المائدة - الحلقة

٦٢ الآيات ٩٦-٨٦

فاضل سليمان

ورحمة الله وبركاته. اهلا بحضراتكم في المقطع رقم تسعمائة. من مقاطع حظر التجول. يعني النهاردة احنا بقى لنا تسعميت يوم بتدبر القرآن وربنا بيارك في حضراتكم وفي الناس الموافقين معنا - 00:00:00

حفظتم نتوقف ستة اعياد تلات اعياد فطر وتلات اعياد اضحى رفضتم تتوقفوا حتى يوم العيد وكانت من الردود اللي بتقال لأن القرآن هو الراحة. فازاي ناخد راحة من الراحة؟ وانا سعيد بذلك جدا الحقيقة - 00:00:20

ربنا يتقبل مني ومنكم. باقي لنا ثلاثة اجزاء ان شاء الله انا متوقع من تسعين الى مائة يوم نختتم القرآن تدبرا اذا ربنا كتب لنا عمر واهلا بحضراتكم في الحلقة رقم ستة وعشرون من حلقات سورة المائدة - 00:00:39

افتتح معي المصحف واقرا معي الآية تمانية وستين اعوذ بالله السميع العليم من الشيطان الرجيم قل يا اهل الكتاب لستم على شيء حتى تقيموا التوراة والانجيل حتى تقيموا التوراة والانجيل وما اليكم من ربكم - 00:01:01

وليزيدين كثيرا منهم ما انزل اليك من ربك طفيانا ولا يزيدن كثيرا منهم ما انزل اليك من ربك طفيانا وكفرا فلا تأس على القوم الكافرين. تمام عايزين نفهم سياق الآية دي ايه - 00:01:42

كلمة تقيم التوراة والانجيل مش بتفكرنا ب حاجة؟ قل يا اهل الكتاب لستم على شيء حتى تقيموا التوراة والانجيل وما انزل اليك من ربكم. فكرنا بقبلها بaitين. احنا لسه الحلقة اللي قبل اللي فاتت - 00:02:13

تدبرنا قول الله تعالى ولو انهم اقاموا التوراة والانجيل وما انزل اليهم من ربهم لاكلوا من فوقهم ومن تحت ارجلهم منهم امة مقتضدة وكثير منهم ساء ما يعملون. حلقة امبارح - 00:02:32

ودي الآية ستة وستين كانت ردا على ايه؟ على الاقل قبلها اربعة وستين اللي قالوا فيها وقالت اليهود يد الله مغلولة وقالت اليهود يد الله مغلولة غلت ايديهم ولعنوا بما قالوا. بل يداه مبسوطتان ينفق كيف يشاء - 00:02:49

حلو اوبي يبقى هم قالوا يد الله مغلولة. يعني ربنا بيخل علينا عشان عندهم شوية زروف اقتصادية فالقرآن قال لهم انهم لو اقاموا التوراة والانجيل ربنا هيبارك لهم ويرزقهم من كل اتجاه. اللي هي الآية اربعة وستين - 00:03:11

الآية اربعة وستين ستة وستين انا اسف ولو انهم اقاموا التوراة والانجيل وما انزل اليهم من ربهم لاكلوا من فوقهم ومن تحت ارجلهم. القرآن بيقول عنهم يعني بيتكلم عنهم ده خبر يعني - 00:03:29

القرآن بيخبرنا احنا المسلمين في الآية ستة وستين ان اهل الكتاب لو كانوا اقاموا التوراة والانجيل كان ربنا بيارك لهم في رزقهم بعدها ربنا قال للنبي صلى الله عليه وسلم بلغ كل الرسالة وما تكتمش حاجة خوفا من انها تزعلي حد او تغضبه. وان كان - 00:03:47

على امنك وامانك الله يعصمك من الناس. فقال له في الآية سبعة وستين يا ايها الرسول بلغ ما انزل اليك من ربك. وان لم تفعل فما بلغت رسالته. والله يعصمك من الناس. ان الله لا يهدى - 00:04:07

الكافرين. هو قال له ايه في الآية اللي قبلها قال له ولو انهم اقاموا التوراة والانجيل وما انزل اليهم من ربهم لاكرروا من فوقهم ومن تحت ارجلهم الآية تمانية وستين تنزل تقول ايه؟ قل - 00:04:23

قل يعني قل يا محمد قل يا اهل الكتاب لستم على شيء حتى تقيموا التوراة والانجيل وما انزل اليكم من ربكم بلغ بقى هو النبي كده

بلغهم خلاص يعني مش مفروض انكم تقيموا التوراة والانجيل وتتبعوا ما امركم به الله. خل بالك بقى عشان تاكلوا من فوقكم ومن تحت ارجلكم - 00:04:40

فقط لا لا الوحي مش كل فايديته انه يجيب البركة لا قال لهم لستم على شيء انتم مش على دين اصلا انتم ما عندكوش دين اصلالا لو اقمتم التوراة والانجيل - 00:05:07

مش بس عشان الرسالة اللي في الاية ستة وستين لاكلوا من فوقهم ومن تحت ارجلهم. لا اللي مش بيتابع الوحي ده ما عندوش دين اصلا ولا دين ولا تقوى ولا حاجة لستم على شيء - 00:05:24

اي شيء ركز معندي بقى عشان دي هتنعكس علينا احنا. وهتنعكس على حاجة غلط جدا احنا بنعملها العبادة عندنا احنا ايه بقى هي دي ؟ ما ينفعش يا جماعة ان الهدف هدف الانسان من الایمان ومن العبادات ومن اتباع الوحي انه يأكل ويشرب - 00:05:41

هناك ما هو اهم وهو العلاقة بالله انا بياضايقني جدا فهم ناس كتير لایات سورة نوح اللي ربنا قال فيها فقلت استغفروا ربكم انه كان غفارا. يرسل السماء عليكم مدرارا. ويمددكم باموال وبنين - 00:06:08

ويجعل لكم جنات ويجعل لكم انهارا فالناس فاهمة ان احنا نستغفر ربنا عشان يفتح علينا بركات من السماء. ويبعد لنا فلوس واموال وبنين وبتابع. لا يا جماعة لا يا جماعة ركزوا سيدنا نوح ما قالش - 00:06:35

اما قال ايه وبيأمر الناس تستغفر ربنا بشكل ااسي ليه هتقول لي عشان اهو ما هو بيقول اهو يرسل السماء عليكم مدرارا ويمددكم لأ ما قالش كده ركز كوبيس ايه ربنا سيدنا نوح بيقول لهم يستغفروا ربهم ليه - 00:06:51

فقلت استغفروا ربكم ليه ؟ انه كان غفارا. لأن ربنا غفار عشان ربنا فهنستفقره فيغفر لنا. هو ده اهم حاجة عندنا. انه يغفر لنا ونرحم فاذا غفر لنا ورحمنا بارك الله لنا - 00:07:12

هو الكفار يقولوا استغفر الله استغفر الله فينزل عليهم المطر وربنا يمددهم باموال وبنين لأ الاصل ان احنا يغفر لنا فلما يغفر لنا ونرحم ربنا يفتح علينا يرسل بقى السماء علينا مدرارا يمدنا باموال وبنين يجعل لنا جنات يجعل لنا انهارا. لكن الاساس انا بستغفره عشان يغفر لي. انا اهم حاجة عندي علاقة - 00:07:35

وعلاقتي انا به مش استغفر ربنا عشان يديبني فلوس واعبد ربنا عشان يديبني فلوس ده مش طريقة دي مش العلاقة بالله تمانية وستين كده في ضوء هذا الفهم بقى قل يا اهل الكتاب لستم على شيء - 00:08:00

يعني لستم على دين ولا على تدين ولا على تقوى ولا على الحق ولا على اي حاجة اصلا انتم ولا حاجة لستم على شيء. حتى الا لو لغاية ما حتى تقيموا التوراة والانجيل وما انزل اليكم من ربكم - 00:08:22

لغاية ما تقيموا يقيم يعني تستقيم على اوامر يعني تنفذه يعني تجعله هذا الامر حقيقة في حياتكم حتى تقيموا التوراة ها ايه كمان؟ والانجيل ها وايه كمان؟ وما انزل اليكم من ربكم اللي هو القرآن - 00:08:39

ربنا بيقول للنبي قل يعني قل يا محمد هيقول لمين اهل الكتاب في الوقت ده اللي هم مين؟ يهود المدينة ونصاري نجران وشوية اليهود والنصاري اللي حواليه مش بنتكلم اليهود اللي هم مسلا اتباع سيدنا موسى لأ. احنا بنتكلم باللي معنا دلوقتي. بيقى وما انزل اليكم من ربكم هو القرآن الكريم - 00:08:59

ولا يزيدن كثيرا منهم ما ما انزل اليك من ربك وكفرا يعني سمع القرآن هيزيد معظمهم كثيرا منهم مش كلهم ان بعضهم بيقرأ القرآن فيؤمن لكن معظمهم بيزاد في الطغيان والكفر - 00:09:22

كفر بمين بك يا محمد وبالقرآن وهيقولوا عليك كذاب وهيقولوا عليك بتدعى النبوة تصور بقى بعد كل ده يقول له ايه فلا تأس على القوم الكافرين. لا تحزن عليهم شوف الفرق - 00:09:49

هم بيكرروا به بيقولوا عليه كذاب. وبيقولوا عليه مدعى نبوة. وبيقولوا عليه مجنون. بيقولوا عليه كاهن. وهو بيأسى عليهم بيحزن عليهم لانهم بيهاكلوا نفسهم مع الله ربنا يقول له ما تزعلش عليهم ما يستاهلوش. ما يستاهلوش - 00:10:06 لكن النبي عنده عاطفة. عاطفة ايمانية. تحية كل انسان ودي طبيعة المؤمن تسعه وستين ان الذين امنوا والذين هادوا والصابئون

والنصارى من امن بالله واليوم الاخر وعمل صالحًا فلا خوف عليهم - 00:10:25

ولا هم يحزنون بعد الاية تمانية وستين اللي بتقول لليهود والنصارى لستم على شيء حتى تقيموا التوراة والانجيل والقرآن ما انزل اليكم ربكم هيجي في ذهن الانسان سؤال طب ما هو مصير - 00:10:47

اجيال هؤلاء اللي فاتوا ما مصير اجيال اهل الكتاب التي لم ترى النبي صلى الله عليه وسلم فتأتي الاجابة في الاية تسعه وستين. تجيب على هذا السؤال ان الذين امنوا - 00:11:06

الامن بالاسلام بالقرآن بسيئنا محمد والذين هادوا والصابئون والنصارى بس بشرط من امن بالله واليوم الاخر وعمل صالحًا فلا خوف عليهم ولا هم يحزنون الذين هادوا يعني اليهود الصابئون دول مين ؟ - 00:11:22

الصابئون هم الصابئة المندائية اللي موجود منهم ناس النهاردة دول اتباع سيدنا يحيى يحيى ابن زكريا ولهم كتاب اسمه كنزا ربا لما رأه سيدنا سعد بن ابي وقاص - 00:11:41

وسمع الكلام اللي فيه اعتبرهم من اهل الكتاب. واخد منهم الجزية وكذلك افتى فيهم ابو حنيفة والشافعى اللي هم الاثنين الائمة اللي عاشوا في العراق فعصروهم وشافوهم وشافوها كتابهم افتوا بهم يعاملوا معاملة - 00:12:01

أهل الكتاب اللي ينظر في عقائدهم يجدها انقى واقرب للتوحيد من النصرانية بكثير بل وربما تتفوق على اليهودية ايضا دول اللي اسمهم اي؟ الصابئة المندائية دول ما يبعدوش كواكب زي ما هتشوفوا في بعض التفاسير. مش حقيقي - 00:12:17

وانما اللي يبعدوا الكواكب دول ناس اسمهم الصابئة الحرانية دول اللي بعث فيهم سيدنا ابراهيم ودول دين مختلف تماما لا علاقة له بالصابئة المندائية اصلا اطلاقا بل كان اسمهم الحرانية طول عمرهم هم سموا نفسهم صابنة عshan يلبطوا المسلمين ايام الخليفة المؤمنون - 00:12:41

خفيفة العباسى المأمون اللي كان كان اظن كان آآ المعترض يعني عshan يتركهم ويعتبرهم كاهم من اهل الكتاب. فسموا نفسهم الصابئة الحرانية وهم مش طبيعية ولا حاجة طيب. وده اللي لخبط كتير من المفسرين واعتبروهم من عبادة الكواكب ولا عبادة كواكب ولا حاجة. الصابئة المندائية اقرب للتوحيد من النصارى - 00:13:06

ربما حتى من اليهود. طيب. النقطة الثانية بقى هو انه من ظاهر الكلام ظاهر الاية كده الصابئون المفروض تبقى منصوبة تبقى الصادقين. ليه؟ لأن اسم ان منصوب تاني الذين امنوا - 00:13:31

اسم ان في محل نصب فاللي افتكر ان الذين هادوا معطوفة عليها فهي في محل نصب برضه تبقى واللي بعدها معطوف عليه يبقى الصابئين المفروض انها جمع مذكر سالم. فهنا انكشف انها - 00:13:51

مرفوعة ما قالش مسلا والذين صبأوا لأ قال والصابئون الطبيعي واللي ودان يعني اي حد آآ يعني يعني فاهم لغة عربية هتلؤمه في ودنه هتقف في ودنه كلمة الصاؤون. لانه هيعتقد انها كان المفروض تبقى والصابئين - 00:14:09

في حاجة بقى اقرأ الاية كده ان الذين امنوا يعني المسلمين. هم والذين هادوا والصابئون والنصارى من امن بالله واليوم الاخر. يعني ايه؟ اللي منهم امن بالله واليوم الاخر يعني اللي مؤمن بالله واليوم الاخر - 00:14:29

معقول دي تعود على الذين امنوا برضه ؟ طبعاً. الذين امنوا يعني المسلمين. يبقى طبيعي يعني ايه ربنا يقول اللي من المسلمين امن بالله واليوم الاخر؟ ما كل المسلمين امنوا بالله واليوم الاخر - 00:14:46

يبقى الذي يعني كلمة من امن بالله واليوم الاخر لا تعود على ان الذين امنوا. يبقى ان الذين امنوا قائمة بذاتها كده خلاص يبقى اسم ان هو الذين امنوا ماشي فقط. طب وخبر ان فين؟ محظوظ - 00:14:57

تقديره بقى لا خوف عليهم ولا هم يحزنون. لهم الجنة تقدير مفهوم من سياق الاية يبقى ان الذين امنوا وخبرها محذف وبعدين والذين هادوا هنا اصبح الذين هادوا مبتدأ في محل رفع - 00:15:20

معطوف عليها الصابئون مرفوعة والنصارى برضه مرفوعة خلاص؟ التلات فئات دول مين منهم هينجو من امن بالله واليوم الاخر يعني ما تقلقوش على اليهود والنصارى والصابرين واي حد قبل كده - 00:15:42

مم لم يرى النبي اهل فترة الى ان منهم اللي امن بالله واليوم الآخر نجوا فهيبقوا هم كمان لا خوف عليهم ولا هم يحزنون. زي الذين
امنوا. ده افضل شرح للاية دي. وهو شرح تفسير ابن - 00:16:04

فيها تفاسير كتير افضل ما نفسرها ابن عاشور نقرأ بقى الاية ان الذين امنوا والذين هادوا والصابرون والنصارى من امن بالله واليوم
الآخر وعمل صالحًا فلا خوف عليهم ولا هم يحزنون. وقلنا قبل كده - 00:16:21

كل لا خوف عليهم ولا هم يحزنون في القرآن لها قراءة اخرى اسمها قراءة الامام يعقوب وبتنطق كده لا خوف عليهم ولا هم يحزنون.
مش لا خوف ينطوي بالفتح هنا في الاية دي فلا خوف عليهم ولا هم يحزنون. وقلنا - 00:16:40

لا خوف بالفتح انكار للجنس. جنس الخوف اصلا مش موجود اما حد يقول لي التي تستثني السيارة بتاعتي بخمس تلاف دولار فاقول
له لا مال معى يعني ما عييش فلوس كفاية. لا مال معى. يعني الفلوس اللي معى ما معيش خمس تلاف - 00:17:03

لكن لو قلت لا مال معى. يعني جنس المال مش موجود. انا ما عييش دولار واحد يعني انا لو فتحت جيوبى كده هتطلع بيضة كده
يبقى لا مال معى لا خوف عليهم. يعني جنس الخوف مش موجود اصلا عليهم - 00:17:24

طيب ايه حكاية بقى الخوف وحكاية الحزن الخوف بيختلف بيختلف من المستقبل واحد خايف من الفقر خايف
من الزلم خايف من العدو خايف من شيء لم يحدث لسه - 00:17:41

الحزن بيقى على ما فات حزين على مال ضاع منه. حزين على حبيب مات. حزين على شيء حصل في الماضي تمام؟ طيب الناس
المؤمنين بالله واليوم الآخر دول هيبيقوا مؤمنين بقدر ربنا. وبالتالي بيقبلوا وبيرضوا بكل ما قدره الله. وبالتالي - 00:17:56

ممكن يحزنوا لكن لا يبالغون في الحزن والخوف ما قالش لا يخافون. قال لا خوف عليهم. وفي قراءة لا خوف اطلاقا عليهم. مashi
ودي هنفهمها بعدين يعني ايه وما قالشي - 00:18:17

ولا حزن الولاه يحزنون ليه لانهم يخافون برضه لا خوف عليهم ما قالش لا يخافون ليه؟ لأنهم يخافون. الله! مش هم مؤمنين!
هيختلفوا ازاي! ايوة مؤمنين بيختلفوا طبعا - 00:18:36

لكن المؤمن لا يخاف من عدو ولا من كافر ولا من فقر ولا من اقدار الله بل يخاف من الله وده يرجعنا للاية ثلاثة وعشرين في المائدة
برضه قال رجال من الذين يخافون انعم الله عليهما. دول اللي هم ما بيختلفوش وشجعان وشجعوابني اسرائيل يروحوا على الجهاد
00:18:58 -

فرينا وصفهم انهم يخافون يعني يخافون الله هنا قال لك لا خوف عليهم جاء عليهم هم. يعني ايه بقى لما اقول انا خايف عليك من كذا لا
خوف عليهم. يعني احنا ما نخافش عليهم - 00:19:21

طيب اذا لا خوف عليهم يعني جنس الخوف ده ما يتخافش عليهم جاء عليهم هم. يعني ايه بقى لما اقول انا خايف عليك من كذا لا
خوف عليهم. يعني احنا ما نخافش عليهم - 00:19:36

ما نخافش عليهم من النار. ما نخافش عليهم من الحساب. ما يتخافش عليهم دول. لا خوف اطلاقا عليهم. يعني ما فيش حد عاقل او
بيفهم في الدين يخاف على دول - 00:19:59

لا خوف اطلاقا عليهم. لكن هم نفسهم يخافون من الله. لكن الاخرين ما يخافوش عليهم وما قالش لا حزن عليهم لان احنا نحزن عليهم
احنا ما نخافش عليهم من عقاب ربنا. لكن ازا حد منهم مات نحزن عليه - 00:20:09

على فقده فهمتم ازاي؟ طيب خلي بالك اليمان بالقضاء والقدر خلاصته ايه اية في سورة الحديد. خلاصة القضاء والقدر لكي لا تأسوا
على ما فاتكم ولا تفرحوا بما اتاكم - 00:20:26

عشان ما حدش يزعلي الا مؤمن بالقضاء والقدر ما يزعلي على اللي فاته كان في اراضي بتتابع برخصة تراب مش عارف في مدينة
ايه. وفاتك انك تستثري فيها. ما تزعلي عليها - 00:20:50

ما تقشاش لا تأزي انك ترضي بقضاء ربنا مش احسن لك. ربنا مش كاتبها لك ولا تفرحوا بما اتاكم. ما تفرحش حتى بالنعمة اللي ادتها
لك. ليه؟ لانك مين عارف ما يمكن دي اختبار لك وتسقط فيه - 00:21:05

انت تعرف ان كل نعمة اديها لك ده ابتلاء. لازم تخلي بالك ازاي بتسخدم نعمة ربنا روي عن النبي عليه الصلاة والسلام حديث قال ان الله عز وجل يحمي عبده المؤمن من الدنيا - 00:21:21

كما يحمي احدكم مريضه الطعام والشراب. يعني ايه؟ يعني احنا بنحب قرايبنا اللي عندهم مرض السكر سكر الدم سكر في السكري مرض السكر في الدم فبنخبي منهم الكنافة والبقلابة في الغسالة - 00:21:45

عشان يقعدوا بقى يقلبوا الدنيا بيدوروا على الكنافة مش لاقينها. واحنا محبينها منهم فين؟ في الغسالة بس اوعوا حد يشغل الغسالة عشان احنا بنحبهم احنا مش محبينا منهم عشان بنكرههم لأ احنا بنحبهم فمحببينها محبين الاكل اللي ممكن يضرهم منهم - 00:22:03

فقال النبي ان الله عز وجل يحمي عبده المؤمن من الدنيا كما يحمي احدكم مريضه الطعام والشراب. لو انت فقير وربنا بيحبك يبقى غالبا المال كان هيفسدك. وربنا يعلم ذلك. فحمسك انت بالزات من المال. لأن انت بالزات ما ينفعش يبقى في ايدك فلوس - 00:22:19
ايضا التعبير دقيق جدا على فكرة ان ربنا ما قالش ولا حزن عليهم شف ربنا قال للنبي عليه الصلاة والسلام في سورة النحل وفي سورة النمل ايضا قل سيروا في الارض فانظروا كيف كان عاقبة المجرمين ولا تحزن عليهم ولا تك في ضيق من - 00:22:43
ما يمكنون نحن لا نحزن على المجرمين نوم رخاص ما لهمش قيمة. انما المؤمن الصالح المؤمن غالى نحزن عليه. لما نفقده لكن هو نفسه لا يحزن على نفسه اذا مرض - 00:23:09

ذنوب تقل احنا ممكن نحزن عشان هو مريض لكن هو ما يحزن يعلم ان هذا يقلل ذنبه اذا جاء قلبه يرق اذا مات يقابل ربنا. فهو لا يحزن. احنا ممكن نحزن على - 00:23:27

المؤمنين لانهم غالبيين علينا. اقول قولي هذا واستغفر الله لي ولكم اللهم انا نسألك حبك وحب من يحبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب - 00:23:41
اللهم اجعل حبك احب اليها من اهلينا واموالنا ومن الماء البارد على الطما. اللهم حببنا اليك والى ملائكتك وابيائك ورسلك وعبادك الصالحين واجعلنا من يحبك ويحب ملائكتك وابيائك ورسلك وعبادك الصالحين. اللهم احي قلوبنا - 00:24:05
بحبك واجعلنا لك كما تحب. اللهم اجعلنا نحبك بكل قلوبنا ونرضيك بكل اجسادنا. اللهم اجعل الحبنا كله لك وسعينا كله في مرضاتك.
اللهم اجعل القرآن الكريم ربنا نور صدورنا وجلاء احزاننا وذهاب همومنا وغمومنا ومغفرة ذنبنا. اسأل الله العلي العظيم ان - 00:24:30

على هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة ان تحكم بين عبادك فيما كانوا فيه يختلفون فبح كل حرف في كتابك تلوناه او تدبناه. اكفنا واهلنا واخواننا واحواتنا شر كل من يكيد لنا ولهم - 00:25:00
يحفظنا واياهم من شرورهم و يجعلك اللهم في نحورهم فانت الوكيل. ولا حول ولا قوة الا بك اللهم بحق كل حرف في كتابك تلوناه او تدبناه ايد بنصرك المرابطين في الارض المباركة فلسطين. اللهم - 00:25:26

وسدد رميهم وخيب رمي عدوهم. وتقبل شهدائهم. وكن مع اخواننا في تركستان الشرقية وفي الشام وفي كشمير وفي الهند. وانصر يا رب من نصرهم وخذل يا رب من خذلهم وظهر المسجد الاقصى من الدنس فانهم لا يعجزونك. واكتب لنا يا ربنا ختم القرآن فيه - 00:25:44

اللهم انك تعلم ان هذه القلوب قد اجتمعوا على كتابك وعلى محبتك. والتقت يا ربنا على طاعتك وتوحدت على دعوتك وتعاهدت على نصرة شريعتك فوثق اللهم رابطتها. وادم ودها واهدها سبلها. واملأها بنورك الذي لا يخبو. واشرح صدورها بفيض - 00:26:04
الايمان بك وجميل التوكل عليك. واحيها يا ربنا بمعرفتك. وامتها يا مولانا على الشهادة في سبيلك انك نعم المولى ونعم النصير. وصل اللهم وسلم على سيدنا محمد وعلى الله وصحبه ومن تبع هداه - 00:26:28
السلام عليكم ورحمة الله. وزراكم غدا باذن الله في نفس هذا الموعد ان كنا من اهل الدنيا - 00:26:48